

671.1315
084
:6

望都縣志

望都縣志卷十

風土志

民生狀況

禮俗

歌謠

方言

宗教

民生狀況

畿輔舊志曰保定府風俗民質勁勇不以浮華爲習而以耕織爲生望都近府其俗亦然地瘠民貧無浮華之資不通舟楫商賈裹足無浮華之染且地本陶唐肇基之所土風淳樸故所衣者布帛無錦衣綾緞之飾所食者菽粟無烹羊庖牛之侈北方風氣剛勁而望邑偏覺淳厚命盜二案較他邑爲獨少乾隆年間囹圄一空者年餘

光緒志

自鐵路交通風氣一變城市及較富村鎮居民生活程度漸高而鄉村普通居民儉樸之風仍未嘗稍異茲將民生狀況紀其概畧如左

衣 縣西南兩部地質稍沃種棉者多婦女皆習紡織其他各村婦女亦多以織布爲業居民率衣土布自織自用祇取其蔽體禦寒不求華美尋常衣服棉改袷改單敝而後已雖襪褸之衣猶作鞋屨之用不肯輕於一擲從前用洋布者甚少夏葛冬裘錦衣繡裳者雖上戶亦不數覩農工之家布鞋草笠以爲常非冠婚喪祭不衣新衣否則皆嗤爲奢華近年漸趨浮華洋布呢絨恒見於市富厚之家仕宦之人多服之現在提倡國貨各公務人員各學生一律易以土布短服以爲民倡蓋崇儉也食 望民鑿井而飲耕田而食所食者以小米爲大宗小麥次之麩麥高粱玉蜀黍又次之中上之戶飯皆粗糲中下之戶則皆撓糠和菜爲食豐年糧尙不足一遇凶年恐慌立至則樹葉草根亦以充饑小麥麵粉皆不常用麥秋之後家家食麥麵數

日藉酬農工之勞過節度歲亦食之餘者收藏備糶以爲度日之費日常食用以小米爲主要品不啻酒肉一年之中春冬以菜蔬紅薯白菜夏秋以蘿蔔北瓜等物爲菜羹用以佐餐俗云糠菜半年糧蓋述實也豆醬一種家家不備香油酸醋食者恒鮮晝長之時日食三餐晝短減爲二餐集市之間豆腐酥酪火燒餠餠而外無他珍饈城東高嶺一帶產穀最佳春小米爲粥香滑適口皆樂食之詩云唐俗勤儉此其遺俗歟

住 望邑民房有瓦屋磚屋土屋數種瓦屋甚少磚屋約十之一二土屋占十之八九民俗迷信風水一遇築屋須請堪輿家相其陰陽按照五行星宿方位相生相尅以定吉凶蓋爲在昔卜宅之遺意歟室家居處按宅之上下定長幼之次所以明尊卑也

行 縣境泉河縱橫橋梁利涉惟水僅細流無舟楫之利鐵路斜貫城距車站僅一二里南達漢口北通平津商旅往來無不稱便全縣無轎車至於四輪馬車膠皮洋車四輪汽車更屬無有人民乘坐均用載重兩輪大車另備木架席棚或布幃有事時則臨時安置如轎車然又有單輪推車亦載物二三百斤近年脚踏輪盛行商人及各機關多用之普通人民率皆步行彼乘騾馬跨驢者恒不之見

衣食住行而外日用之物亦有可以紀述者光緒庚子以前居民取火以火鏟火絨火石取火燃燈則以瓦燈棉子豆麻等油炊爨率用柴薪吸煙則菸葉菸絲皆國產也近則取火易以洋火燃燈多用煤油而油坊稀少炊爨以柴薪不敷半用煤炭他如紙煙充斥洋貨盛行漏卮之鉅可勝言哉

禮俗

望都爲陶唐肇基民風醇樸崇尚禮教凡夫冠婚喪祭之儀周旋揖讓之節多遵古制儉而有文民國以前均行跪拜民國以後廢除跪拜改用鞠躬而鄉村農民尙多未改以相沿日久故也茲將地方沿用禮俗分志如下

祭祀吉禮也自祀孔祀關岳祀各壇廟之禮廢行於民間者有祭先祖禮歲時薦新於年節清明端午中元中秋行之春秋掃墓於清明中元十月初一行之所以重春露秋霜之感也屆時潔衣冠具蔬酌焚香叩首祭畢而撤家人聚餐曰食神惠

婚嘉禮也本邑鄉俗訂婚之初先由媒證介紹男女兩家姓氏年齡門第財產雙方同意互換庚帖男先女後再換婚書男家備聘禮衣服首飾等物交媒証送往女家收受曰下彩禮爲婚

約成男子年及婚期

多有十四五歲娶妻者

男家選定吉日令媒証通知女

家至迎娶前男家備麪製食品及迎娶吉期紅帖送至女家曰送食盒即古奠鴈禮也迎娶前一日男家備各色禮物送之女家曰催妝是夕男家設香案於庭中懸燈結彩新郎肅衣冠焚香跪拜於香案前曰拜天地次拜父母次拜年長親屬禮畢升車偕男女陪客及綵輿鼓樂人馬儀仗等親迎於女家間有新郎至門不即納者曰捐新郎性及鼓樂三通方開門揖迎入室小坐獻茶陪客請於主人曰行禮主人遜謝再出微儀曰賞廚夫乃張筵就飲富者通霄貧者略具湯麵或八八酒席禮成新郎御車先行新婦乘輿及嫁奩者隨於後曰陪送又女家必預儲壺盃之類備新郎臨行時攜取以去曰偷富既抵男家綵輿直達洞房昇新娘登床由他女眷代新娘剪鬢理妝曰開臉妝

畢乃就宴此迨古者親迎禮歟是日女家親屬各持禮物同來致賀曰送飯又曰道喜宴後即去新人入洞房之先由小姑或嫂嫂將新娘箱篋衣物翻動檢視曰翻富小叔等輩在新房略發談語曰鬧新房晚間小叔輩伏新房外竊聽曰聽新房三日新郎新婦始行交拜禮新婦先拜翁姑次拜墳曰拜祖拜家祠曰拜廟蓋廟見禮歟新郎新婦於三日後必相偕拜於女之家曰回門又曰謝親至是爲婚禮成

賓客往來所以通款曲聯情誼也望邑風俗儉樸普通親朋瓦器菜羹以爲常雖婚喪之時亦無旨酒盛筵俗使然也

喪葬凶禮也邑仍舊俗行三年之喪父母亡故合家跪地舉哀焚化紙錢置亡者於中堂曰正寢舉哀後孝子寢苦枕塊於其側以亡者壽終時日訃告親友曰報喪書亡者姓名年歲於靈

牌供於案次由陰陽師硃書符於瓦覆屍上爲鎮物剪白紙成
縷結爲一團曰座前紙又曰提旛男懸門左女懸門右以麩製
如制錢大之餅數同亡者歲數曰歲數餅糊紙車紙人紙馬及
冥鏹冥衣等物即所謂塗車芻靈也富者柏棺三四寸槨五六
寸貧者楊柳棺二三寸而無槨大殮多於日夕行之吊者旣集
有服親屬同視成殮畢憑吊痛哭依次行禮孝子答禮喪後乃
葬有大葬小葬之別始喪三日或五日七日而葬者謂之小葬
蓋貧者無以爲禮也父母喪後七日成服禮祭者此大葬也未
葬之先孝子先具訃通知親友曰散訃文及期賓友持冥資食
盒奠儀或輓帳輓聯赴喪家冥祭跪拜行禮孝子致謝孝子麻
衣麻冠開靈時延禮教四人贊行開靈禮聘齒德俱尊者一人
點木主易吉服行成主禮辭靈行辭靈禮發引之前孝子執旛

引靈於前孝婦孝眷護靈於後哭泣哀號不絕於路送之塋舉凡柩之內起外起安神安靈一切祭儀畢然後移柩就壙行安葬禮禮畢封土成墳葬後三日黎明孝子赴塋負土築墳曰圓三

現行國歷而鄉俗仍重舊歷以習慣而便農時也年節之夕爲除夕商家結賬亦在此時鄉民過年均備饅頭酒肉粘糕等物以宴客藉歲晚農暇飲食以爲樂具香楮鳴爆竹祀祖先神祇元旦味爽家家食水餃拜尊長謂之拜年嗣是而後族鄰走賀叩拜親朋互相往來徧謁尊長至燈節始止正月十四五六三日爲燈節沿街懸燈結綵家家宴會飲酒與年節同十六日婦女易新衣出門遊覽曰走百病亦遊春意也清明節家家祭祖掃墓凡有財力之族是日祭祖之後合族會餐名曰吃會其事

由家長主持誠敦宗睦族之美俗也五月初五日爲端陽節亦曰端午節家家食角黍或贈親友七月十五日中元節掃墓祭祖掃墓間亦有吃會者八月十五日爲中秋節家家往來酬酢曰賀節晚間月上焚香楮備鮮果月餅之屬供於中庭祭畢歡宴謂之賞月九月初九日爲重陽從前文人學士屆時每登高賞菊以爲樂十月初一日掃墓焚紙衣於墓前曰送寒衣是日亦有吃會之舉臘月初八日食八寶粥二十三日祀竈除日祀祖宗神祇家家持穀草多束至祖墓前禱曰請祖宗回家度歲叩頭訖即將草束點着隨畢隨易至家則已示不忘本亦美俗也

歌謠

小紡車忽喇喇婆婆死了我當家烙薄餅炒絲瓜上上門兒可
吃吧吃了個飽撐了個楞到了人羣裏走不動推也推不動拉
也拉不動叫聲大娘快救命

衙門口兒向南開有理無錢莫進來現在北伐成功了公署換
成政府牌從前弊病無少減種種齷味更厲害我們寧作屈死
鬼誰還敢打官司來讓政治
黑暗也

一日力田一日驚果然凍餓在躬耕非澇卽旱年年是盼雨盼
晴過一生述民
艱也

糖瓜祭竈新年來到閨女要花小子要炮老婆子要衣裳老頭
子坐着門限子打飢荒飢荒打不了家裏老婆子還唧唧述民
困也

撥燈棍打燈台爺爺娶了後奶奶脚又大嘴又歪氣得爺爺發

了呆奶奶奶奶你走吧爺爺好了你再來爺爺亦好咧奶奶亦

跑咧

鄙老婦
改嫁也

麻野雀尾巴長娶了媳婦忘了娘把娘背的山倒後媳婦背的

炕頭兒上拌的肉絲囉索湯不吃不吃又盛上

警不
孝也

一個少婦剛十八梳頭裹脚上娘家爹爹見了歡喜喜娘娘見

了笑謎謎嫂子見了扭一扭嫂子嫂子你別扭不吃你家飯不

喝你家酒當天來了當天走

讓姑嫂
不和也

刮刺葉水上漂誰與姐姐一般高姐姐騎的金馬銀馬俗們騎

的樹柯杈姐姐帶的金簪銀簪俗們帶的柳樹尖尖姐姐登的

金鐙銀鐙俗們登的老鼠窟窿姐姐抱的金娃娃銀娃娃俗們

抱的疥蛤蟆放下故呱抱起來不出氣的小冤家

怒婚姻
不伴也

早封糧自在王 早趕集遲赴席 羊馬年多種田預備雞猴

那二年 黑間陰白日晴打的糧食沒處盛 有錢難買五月的旱六月連雨吃飽飯 六月六看穀秀春打六九頭 立冬不搬菜莫把老天怪霜降不綁葱莫怕裏頭空 有錢不娶活人妻要地不要順道的 跟着好人學好人跟着師媽學下神 瞎子的口沒量兒的斗你只問他只有 饑了甜如密飽了密不甜

方言

屬於時候者

年上箇

也去年

過年兒

也明年

今兒

也今天

明兒

也明天

夜拉過兒

也昨日

前半

疇兒

也上午

疇火

也中午

後半疇兒

也下午

一擦黑兒

也向晦

多咎

也甚麼時候

一

撲亮兒

天將曉

屬於稱謂者

爹

也父

孃

也母

爺爺

祖父

孀孀

俗作奶奶

老爺

曾祖

老太太

曾祖母

呼伯

媽

呼伯母

叔叔

讀如書呼

孀子

呼叔之妻

哥哥

兄弟

嫂

弟

妹

閨女

小子

謂兒

當家的

夫婦彼此相謂

姐姐

妹妹

姐夫

妹

夫

大舅

呼妻

小舅

呼妻

舅舅

姪子

填房兒

繼娶之妻

新媳婦

後老婆子

再嫁婦

客

讀如切來賓也

敗家子

不成器的子孫也

夥計

一舖同事之稱

做活的

工打短的短工 小伙子壯漢 土棍土豪 五二鬼無賴 哈個女人

謂他人妻

屬於語詞者

是甚麼問詞 值不得言事小不可進行也 提不起來言不足稱 胡說八道 瞎

說統言人語不在情理 別胡鬧咧勸人不可妄行也 怎麼好怎麼辦與人商量之語 胡來言行事不合理 混

張東西說人不好 不占亦言人不好 好大傢伙驚言物之大 生箇子言人不知道大小 這事真

不趣意思想不到之語也 想不起來說不上來忘也 幹甚麼哩問人作何事也 受屈吧

莫生氣了統勸人息訟也 打官詞不讓他與人互爭也 他按賊哩謂人捏造蜚語 使黑錢謂人

花錢行賄路也 入了黑窟窿花錢被騙也 差不多事太不相符也 磨稜打層謂作事不用力也 向那裡去

來問人往何方也 又騎週又打週言被人欺太重也 太草雞言人軟弱也 烈害言人毒辣也 不說理

言強橫也 人王不怕言任意橫行無所畏也 吵包子兩造喧嘩也 話不中聽話不合人情也 半慫子

言人不怕 滾刀肉 言人不怕生死也 傻大黑粗 言人不明白也 根毛不拔 言人吝嗇也 白日裏連

精細也 個乾油燈借不出來 亦言人太吝嗇也 土門兒 言人不明也 科膝 不好看也 邏娑 一時不能辦齊

也 手裏粘搥 做事不爽利也 廉利 乾淨之稱 馬利快草包貨 言人無能也 浪蕩梆子 言人

不正經 浪裏浪蕩 言人游手好閒也 那個去兒 謂某地方也 哈兒 謂那個地方也 移 收拾之義 嘎古

不好之義 嚷嚷 瞎吵 摸摸 讀如毛平聲以手捫物 太末豁 遇事不經意也 唉 音哀應人呼喚之聲 只

當 膩咧 作了癩 匹滅切 子咧 難辦也 壞咧 冷不防兒 不呂

戶 正字為觀頰言不理會也 這克怎們着 沒辦法也 啾咕 主意不定 捲人 罵人也 好說咧 聽不

人言 好生着 勉人之意 啾咕甚麼 謂人私語也 一叮叮兒 甚小也 一疇疇兒 甚少

也 驚扭 不順當也 在行 曉事也 俏皮 誇人俊也 嘎作 謂人吝也 疊兒 器破有痕也 愁蠢 也

膾 讀如夔賦汗穰也 噤 應嘉讀作國音兀上捺首

屬於食物者

餃子 饅子 餛飩 包子 麵條 酥酪 讀如河拉以機器軋作圓條蕎麥麪者佳 餅

子 以玉米麵爲之 白粥 粥讀周煮小米爲之 菜粥 小米和菜煮食也 乾飯 煮小米爲之主要食品 掛麵 以白麵爲之 疙

疸湯 調麪作疙疸煮食 片兒湯 以麪作片引伸煮食 苦纍 用粗麵和菜蒸之攪作疙疸食之亦乾糧之一 酸菜 望人貧戶無力食鹽

多以菜葉樹葉等煮之入裏發酵變酸以佐食者 麻糖 以麪爲條用油炸食 碾轉 在大麥將熟時取而炒之去皮以磨磨之作碎條

屬於身體者

腦袋 頭也 耳朵 後腦勺兒 額列蓋兒 肩膀 脊仰 肋窩

子 屁股 腎部也 大腿 膝上部 骼拉瓣 膝蓋也 脚鴨兒

屬於植物者

鞋底片 即車前草也 豬媽媽科 地黃也 刺兒菜 即小薊 馬勺兒菜 馬齒莧也 稜子

即蕃麥 棒子 即玉蜀黍 椿樹 椿讀及 辣椒 即秦椒 倭瓜 即北瓜 乍蓬科 即刺蓬 高

梁 穀子 黍稷

屬於農俱者

紡車 織布機

棉弓

彈棉器

軋車

軋棉去子器也

犁

耕地器

蓋

以棗條穿木框編爲之以平地者

耙

以木爲三角架布以鐵齒以耙地者

種食

耕地器

砣子

以石爲之

鋤

耘地去草器短柄者曰小鋤長柄者曰大鋤

轆轤

汲水俱

硫碓

以石爲之軋場器

戳櫛

立櫛也

杌子

圓坐俱

橙子

方坐俱

低桌

炕桌也

八仙桌

方桌也

椅子

屬於動物者

錢串子

說文爲蠶即多足蟲

大老家

麻雀也

魚

讀如玉兒

馬郎

即蜻蜒

螂螬

即蝟

拉拉

古

即螻蛄

弗涼兒

似蟬而小

螞蚱

即螞蚱蝗屬

擔丈勾

益斯之長大而色綠者

蚰蚩

即促織亦名蟋蟀

羅駒

即聒聒似螞蚱而大色青鼓翅善鳴

螿蟬

即蟻也

河螞

即蝦

長蟲

蛇也

蝎子

宗教

按本縣光緒志載全縣古刹禪林數十處舊爲僧道住持可見神權時代崇尚佛教盛行已極自清光宣以來變政維新寺廟漸廢學校方興有改寺廟爲鄉村學校者有改爲局所者其寺廟田產亦有改充村政公產者迄今寺廟存者碩果晨星而僧道幾乎絕跡佛教之衰可以見矣光緒十六年中華基督教公理會始來望先建堂於小辛莊民國八年教務發達復建堂於城內北街路東教徒六十五人主任張德順張莊殷家營立會二處張莊信教者十二殷家營十四民國二十二年三月基督教神召會又設於南關路東主教二人一爲腦威國林納理女士一爲丹麥安德森女士信教一百餘人光緒三十年天主教建總堂於北關主教趙之璧攝全縣分堂十處各處教徒三堤

村三百四十人麻辛莊二百五十四人南陽村三百七十三人
于各營一百三十三人南王家疔三百三十三人柳陀二百八
十人郭家村六十八人張莊八十五人八里莊一百八十七人
小辛莊二百七十九人自辛丑議和民教相安信教得自由也
此外全縣尙無其他宗教焉

望都縣志卷十一

雜志

大事記 故事 軼聞

大事記

附民國歷年本縣供應軍事損失摘要

秦

始皇 年攻慶都

秦本紀

秦時以慶都幅員廣闊析其半置曲逆縣傳雲舉慶都考

漢

武帝元朔元年封中山靖王子劉蓋爲柳宿夷侯

前漢書

按今邑南柳宿村有故城遺址相傳即其地

武帝元狩六年封中山靖王子

逸其名

爲廣望侯改慶都爲望都

唐

高祖武德四年移今治新築此城

穆宗長慶元年義武節度使陳楚敗朱克融兵於望都
宋

眞宗咸平中張敏遇契丹於望都迎戰斬首二千級

眞宗時定州鈐轄張耆禦契丹於望都身被數創

神宗熙寧元年戊申七月大雨平地水深三丈四封泛溢地震
累月不息

遼

聖宗統和四年契丹蕭排押破宋曹彬米信兵於望都

金

改望都爲慶都

元

順帝至正元年縣尹蕭顥同義士程義及子居德創建帝堯廟

二年邑大饑以河間府鹽課萬錠賑之
八年十年縣尹尙恕重修文廟儒學

明

太祖洪武二年重修城垣

九年北平僉事徐淑名重修文廟

景宗景泰七年縣令唐復以城連堯母陵恢而擴之

憲宗成化三年縣令譚論重修文廟儒學

十三年縣令馬京創修縣志

孝宗弘治三年縣令王廷甫減社屯冗官冗吏

十二年縣令宋文重修文廟儒學

世宗嘉靖三年縣令胡諧因田賦無分肥瘠民苦偏累爲丈田
畝列上中下草場城沙五等

神宗萬歷十四年縣令張前光開柳絮村北河一道開永豐鎮村東河一道

十八年縣令張前光續修縣志

三十二年大水籽粒無存縣令許宗曾繪圖請賑得糧八千石

是年府屬俱荒巡撫孫璋請發賑銀一萬二千五百兩又發通糧二萬石山東移粟一萬八千一百九十八石河甯移粟五千九百五十餘石平糶並動府屬倉糧四萬六千八百餘石煮粥散賑

三十五年縣令許宗曾重修文廟

四十五年春蝗生縣令劉天與令民捕之其蝗如蠅捕一斗者與粟一斗撲蝻二斗者與粟一斗撲飛蝗三斗者與粟一斗飛蝗不爲災又重修文廟儒學

熹宗天啟六年大水漂沒民舍煮粥賑之

思宗崇禎九年縣令黃承宗增置南北甕城

十一年十月初七日清兵至城陷縣令黃承宗教諭徐有自大

使魏允清死之人民死者無算全城被焚十月十五日清兵去後民人有自營逃出者復遭明總兵王璞縱兵斬首冒功時有兵篋之謠僉事錢天錫作哀慶都歌

歌曰疾風吹涕日將夕山鬼呼羣嘯空壁味目塵沙與劫灰玉石蕭蘭同火宅邑宰吞聲不忍言今年敵禍猶未迫予怪問之重致詞敵殺數十兵數百南村有男二十餘美皙如玉髻如戟各挾利刃相爭遂函首忙報將與督閩公懷臂受賜金屠盡一家與九屬白頭扶杖視孤鴻青髻蓬頭彈寡鷓愁看馬首西復東可憐鼻齏斷難續天地翻覆忽欲裂不敢爲君終此曲翟城驛使何紛紜賦馬征車日不足誰將神劍劔忍心記取丸泥封上谷冒功將卒禦魑魅君不見豫秦累歲良民戮

十三年縣令段緯重建文廟

十七年三月流寇至五月清兵追流寇於邑東寇大敗僞官房心尾居二月隨流寇亡去是時眞定巡撫徐標被叛兵殺死三月中旬京城陷郡城與邑至二十四日猶悉力固守不下五月清兵追流寇于邑城東寇大敗狼狽晝夜亡去

清

世祖順治四年六月飛蝗蔽天食禾幾盡蠲糧銀一千五百兩有奇

五年縣令陳自德徹底重修城垣

十年大水蠲糧銀三千二百四十八兩有奇

十一年大水淹沒殆盡每名賑銀六兩有奇六十以上者加布一疋七十以上者加布二疋共賑七千口有奇蠲糧銀二千五百六十七兩有奇

十六年大雨雹禾被傷損蠲糧銀一百九十五兩零

十七年大水蠲糧銀六百二十五兩零

聖祖康熙四年縣令錢振龍修築城垣甃堦城樓又大水蠲糧銀一千三百九十八兩零

七年大水蠲糧銀一千七百四十七兩放賑八月每人支米三

斗自本年七月至八年二月止共五百九十口

十一年縣令錢振龍纂修縣志未付劄劄

十三年縣令李天璣燒甃甃瓦片各十餘萬重修文廟明倫堂
十四年縣令李天璣創設串票之法凡花戶納糧俱令本戶自
封投櫃面取完糧印票爲據

十五年縣令李天璣除報富民作櫃書解糧銀之擾徹底重修
南門並公署儒學建養濟院演武廳又重建石堰以均水七月
大雨雹

十七年縣令李天璣地建義學又重修帝堯廟重修縣志

二十八年連年荒歉縣令蔣國正請得賑糧三萬石士民立生
祠祀之

四十五年縣令張京瓚捐俸助士鄉試又捐俸買田地永爲鄉

試費

高宗乾隆三年大水田房多壞縣令沈景張請賑共用穀一萬六千石

五年縣令沈景張重修文廟

十一年十月初八日高宗自正定回鑾過縣以與堯母同名易慶都仍爲望都

十五年縣令楊逢泰建文昌閣督修大成殿

十六年縣令韓時謙重修學宮

二十六年秋水災縣令衛學詩詳請銀米兼賑共用穀二百三十石有零銀二百七十六兩零

二十七年秋水災縣令衛學詩詳請銀米兼賑用米一千五百四十八石二斗零銀一千八百四十兩零又煮賑用碾義倉穀

四百二十四石柴薪制錢四千二百二十文

二十八年縣令衛學詩重設義學

三十一年縣令衛學詩重濬龍泉河並修石閘

三十二年縣令陳洪書動帑起工城外易以磚重修三城門
弔橋

三十三年縣令陳洪書以水災頻仍開挖全境溝渠秋大水成
災詳請賑災穀一千七百八十二石九斗銀一千零六十九兩
又自捐米四十石士民樂助米七十六石二斗八升柴薪制錢
十五千三百零煮賑二月董事者貢生左堂生員麻蘭周烜太
學生徐燦

三十四年縣令陳洪書新修縣公署監獄建馬王廟

三十五年鄰邑飛蝗入境期月蝻旋生縣令陳洪書捐米三百

餘石資民夫撲滅禾稼無傷秋水災請賑米一千六百五十六百零銀一千九百八十八兩零又煮賑三越月自捐米柴自十二月至三十六年二月止自捐米五十石商民共捐米九十三石又詳請撥補餘米一百五十石自辦柴薪制錢七十千零六百

三十六年縣令陳洪書重修縣志是年春夏間鄰邑有蝗至望都界皆死變爲螟蛉青蠅士民皆以縣令德政所感

四十一年大有斗麥百錢

四十三年春夏大旱

四十六年春高宗西巡過縣謁堯母陵並詣帝堯廟拈香

四十九年縣令沈寅重修堯母廟

五十年縣令沈寅重修帝堯廟

五十一年仲春高宗西巡幸五臺山變輿經望都再謁堯母陵並詣帝堯廟拈香

五十七年大旱

五十九年大水歲饑

六十年大熟每斗百錢

仁宗嘉慶六年六月大水

七年飛蝗傷禾八月霜傷稼

十二三四年連年大水

十六年仁宗幸五臺山親詣堯母陵堯帝廟拈香

十八年大旱

十九年八月霜傷稼

二十二年八月霜歲饑

二十三年四月初二日雨土二寸許初八日風霾大作損禾稼
宣宗道光元二年夏秋大疫死者甚衆

三年大雨

四年蝗蝻生歲大稔縣令張慶成請發帑銀放賑

六年大熟

七年旱

八年正月初二日雷鳴

十年閏四月地震

十一年四月十九日地震冬大寒井冰

十二年大旱七月十五日始雨

十四年秋大水

十七年冬雨桃杏生花

十九年春夏多風無雨二麥枯乾秋七月大雨河水漲秋禾淹沒

二十五年旱六月初一日始雨

二十六年縣令陳士全濬龍泉河栽樹修閘

文宗咸豐元年銀價昂貴每兩易京錢六吊票價亦貴縣令劉體中令糧銀仍按京錢四吊二百文納封不隨時價免除民人輸納柴薪

五年夏四月大風拔木

六年秋飛蝗蔽天十月蝻生嚙麥苗

七年夏秋蝻蝗迭生食稼殆盡

八年秋蝗生八月初一日日月合璧五星聯珠

穆宗同治七年戊辰正月初十日捻匪張總愚犯境死者數百

人左宗棠統軍二萬餘駐軍於望都城東三阿之陽是年春大
雨雪

十年秋大雨水

十一年六月雨霖七日大水漲發禾稼淹沒歲大饑

德宗光緒二年大旱

三年大旱秋禾不登

四年春民饑草根樹皮刮掘殆盡親戚不相訪問死亡無數

七年縣令黃汝香勸諭四鄉捐穀二千石儲倉

八年十月二十二日地震

十三年縣令趙啟心重修堯母廟開倉出糶秋後折價收還

十五年縣令戴華藻建文昌閣於書院

十六年民間官荒無糧黑地入糧升科

十八年縣令汪輝買穀二千石儲倉

二十一年春大風雨大木拔房屋倒塌無數

二十一年縣令李兆珍爲民請命差貼三千賦減五成民立生祠於荆城村祀之

二十一年縣令李兆珍開倉平糶

二十二年縣令王開運請准自春徵起依照糧銀減免五成新數開徵

二十六年縣境京漢鐵路完成因拳匪之亂英德法三國聯軍紛紛過境立局支應是年停科

二十八年在小蓮池書院成立小學堂

二十九年成立勸學所

三十二年創辦警察設巡警局警額一百四十名

三十三年縣令胡壽蘭請准裁減警額留警額七十名重修忠義節烈祠

三十四年開辦自治研究所

宣統二年設自治預備會

三年成立縣議參事會八月十九日

即為陰曆十月十日

武昌起義清室遜

政改爲中華民國廢除陰歷改用陽歷

中華民國元年大水縣令王邦屏改組縣公署取消吏戶禮兵刑工六房設教育實業行政司法四科辦理省議會衆議院議員選舉倡行男子剪髮辮女子放足

二年裁撤縣議參事會設立理財所

三年巡警局改爲警察所巡官改爲警佐縣知事兼警察所長成立天足會勸婦女放足地糧每銀一兩按銀圓兩元三角折

征

四年關岳合祀在東關關帝廟每年二月八月中戊日味爽舉行改馬王廟爲勸學所

六年大水辦理省議會議員選舉

七年飛蝗爲災辦理參衆兩院議員選舉成立保衛團折毀明倫堂堯母廟大門儀門在儀門舊址新築高等小學堂

八年春蝻生成立勸業所

九年大旱秋禾不登開辦平糶辦理第三屆省議會衆議院議員選舉保衛團改爲游擊隊

十一年勸學所改爲教育局

十三年恢復縣議參事會裁撤財政所

十四年縣長勒令村長佐借債墊解地糧勸業所改爲實業局

成立清鄉會警佐改爲專任警察所長

十五年直隸全省官產旗產荒地設清理處變賣官產縣設分處是年廢祀孔及關岳合祀典禮

十六年十月晉軍奉軍大戰於望都立局支應是年奉令六項旗租地令民留買升科

十七年四月奉軍晉軍大戰望都之東北立局支應五月韓復榘率兵三萬人駐境兩月有餘斫伐圍城河大樹作柴供給七月成立縣黨務指導委員會農民協會裁縣議參事會改警察所爲公安局改實業局爲建設局設立財務局九月二十二日直魯賑災委員會因兵災放賑大洋一千五百元十月二十三日華北賑災會放紅糧一千一百十九石二斗
十八年秋縣長白殿璋盡毀城隍廟神像

是年民政廳散放冬賑四千元

十九年晉軍李服膺率軍過境駐十餘日東北軍第十三旅騎兵來縣六月水災縣黨部停止工作成立通俗講演所暨民衆閱報所十二月河北省賑務會賑水災大洋五百元

二十年開辦自治成立五區區公所全縣村莊編鄉成立鄉公所直屬區黨部商會農會教育會自治籌備委員會均正式成立是年夏奉軍與石友三軍大戰於城南二里許自東徂西派民夫挖掘戰溝長三十餘里寬一丈深八尺附近村莊各立局支應是年又成立監獄協進會秋成立民衆織字委員會冬改組保衛團創立度量衡檢定分所統一度量衡新器九月行營戰地急賑會因兵災賑濟玉米麩三千八百八十包洋二千五百元五角

是年四月縣長陳國鈞纂修邑志

二十二年四月方振武軍過境駐紮二十餘日拆毀北門及東門兩橋橋以東挑斷又東南北三面圍城掘戰溝設支應局
秋財務局改爲財政局

冬改用度量衡新器

十二月全縣行政會議議決併五自治區爲三區裁區公所二
公安分局二年省經費數千元

十二月二十四日向晚星晝見日月合璧五星聯珠

二十三年春起取消田賦徵銀名一律徵圓解圓限制田賦附
加不得超過正賦

二月奉令辦理清鄉設清鄉局調查全縣戶口

三月奉令辦理禁煙毒

鴉片嗎啡
海洛因等

設戒煙所六月辦竣

四月疏濬全境澈水溝渠九道計長一百六十里

五月濬九龍泉河頭鑿泉下管十九處七月底工竣

七月一日奉令廢除差徭及柴菜蓆葦捐口袋捐禁止鄉村攤派以紓民困

八月縣志稿成

是月二十七日奉令舉行孔子誕辰紀念典禮

十月成立鑿泉辦事分處

是月省政府召集全省縣長第一次行政會議議決裁區公所裁公安財政教育建設四局改科歸併縣政府自二十四年一月實行

民國歷年本縣軍事供應損失摘要

國民第三軍第二旅十三年十一月征兵四十五名

國民第三軍司令部十三年十二月征兵一百三十一名夫六十名

討賊聯軍第一軍第三路總司令部十五年八月征兵一百二十名

直隸保定總司令部十五年十一月征兵五十名

討賊聯軍第三軍總司令部十二年征發三套大車二十六輛
東北陸軍步兵第四十六旅七十六團十五年十二月征發三套大車三十五輛

陸軍第五師十五年十月征發大車二十輛

直隸保安總司令部十五年十月征發木柴五十萬斤穀草五

十萬斤

鎮威軍第七方面軍團前敵兵站司令部十五年十月征發穀草二十三萬斤木柴二十萬斤

直魯聯軍第十一師十五年十月征發大車五十輛

保定道尹十五年十二月代軍隊征發木柴二千斤穀草二千斤

鎮威軍兵站總監部十五年十二月征發穀草六十萬斤

保定道尹十六年一月代軍隊征發大車十二輛穀草一萬五千斤

直隸保安總司令部十六年四月征兵三十名

國民革命軍第三集團軍總司令部十七年六月征兵二百六十名

陸軍第三十二師司令部十八年五月征馱騾六十頭

陸軍第三十九師司令部十八年十二月征馱騾十二頭

國民革命軍第三集團軍十九年三月征三套大車二十輛

騎兵第二旅十九年四月征三套大車二十四輛

河北省政府十九年八月電令征馱騾十五頭

中華民國陸海空軍副司令部十九年七月征兵一百二十名
東北軍第三方面軍第五軍十九年十月征三套大車十五輛
東北陸軍第十四旅二十年七月征三套大車五十輛車夫一百名

國民革命軍二十年七月征發綠豆一千零三百五十斤玉米九百六十四斤小米六千九百五十八斤黑豆二千三百五十九斤白麵一萬三千二百斤大麥二千八百三十二斤麩皮七

百零五斤紅糧二千二百八十四斤餅一千二百十七斤木柴一萬四千二百八十斤穀草二萬三千八百二十五斤

陸軍獨立第十四旅六百四十團二十年七月征發穀草四萬二千四百四十四斤黑豆八百七十五斤大麥三千四百六十七斤玉米九十斤木柴十萬零七千二百七十六斤綠豆五十斤紅料二千四百七十六斤小米七百一十斤

陸軍獨立步兵六百四十五團二十年七月征發煙煤二千四百七十斤紅糧一百五十二斤穀草一千四百斤

陸軍獨立第十三旅部二十年七月征發木柴五千七百六十二斤穀草八千四百二十一斤花料一千六百四十斤小米一千三百九十斤綠豆十五斤大鹽五斤白麵五十斤

陸軍獨立十三旅野戰醫院二十年七月征發木柴三千四百

斤穀草三千七百斤

砲兵第七十六團二十年七月征發花料五百八十斤穀草七千七百七十斤木柴五千二百斤

陸軍獨立十四旅第六百四十一團二十年七月征發木柴一萬九千九百六十五斤穀草二千六百斤大麥四百斤

砲兵第七旅第十四團二十年七月征發木柴一千五百八十八斤穀草一萬八千三百斤秫稽三百八十斤紅糧六十斤小米七十斤

陸軍獨立第十四旅六百四十二團二十年七月征發木柴二萬五千一百四十五斤秫稽七百斤小米一百二十五斤

陸軍獨立第十三旅兵站處二十年七月征發木柴一千斤穀草五千斤煙煤五百斤大米十六斤

陸軍獨立十三旅第六百三十七團二十年七月征發黑豆七百六十五斤小米二百二十四斤木柴一萬零二百六十斤穀草五百斤

陸軍第十八旅二十年七月征發紅糧二百七十斤穀草八百五十斤木柴五百斤

抗日救國軍方振武部隊二十二年四月間過境駐二十餘日征發給養騾馬車輛及借款三千元共損失二萬餘元

陸軍第一百一十七旅二十三年五月來縣駐紮一月調往江西供應損失洋六百餘元

故事

後漢順帝陽嘉元年十月中望都蒲陰狼殺童兒九十七人時李固對策引以爲言今狼村其地也後改爲良村今屬滿城縣明崇禎戊寅年清兵至駐紮邑城北五獄廟是夜月明如晝其首領在月臺閑步被城內武生麻某一箭斃命夜半即偃旗息鼓而去越數日整隊重來斬關直入全城被屠官民死者無遺公私房舍概付一炬所餘者西城壽聖寺文廟內櫺星門縣署中庫樓而已崇禎甲申年三月流寇至僞官房心尾居二月隨寇亡去是時二月間眞定巡撫徐標被叛兵殺死三月中旬北京又失獨郡城與邑至二月四日猶悉力固守五月清兵追流寇於邑城東寇大敗狼狽晝夜亡去

有清以來獨望邑糧賦沿明舊制二百餘年未得少減且將地

域割小北與清苑南與定縣兩大縣同樣辦差

清康熙間邑令李天璣撰衙署楹聯甚夥其大門聯云鄉下有田須早種城中無事莫頻來儀門聯云關重門以見心明懸鏡公懸衡念念敬畏天日遵周行而臨政坦如砥直如矢時時凜惕淵冰又云培弱抑強不避刀風刮面剔奸釐弊肯教欲焰薰心又云民瘼當恤痾瘵吾身忍把催科先撫字官箴宜砥脂膏爾肉敢圖溫飽負循良又云秉淡漠以居心願學先哲茹蘖飲冰之雅操本安靜而服事期挽上古擊壤含哺之淳風又云箴惟清慎勤品曰直方大

清道光間邑令王榕吉撰衙署楹聯云放衙非是偷閑地退食還存補過心又云都山聳翠龍水流清撫茲百里疆圉奇瀨天開但慮差繁賦重何以安懷資保障靈臺鍾英堯峯挹爽緬昔

萬古鴻濛文明地關還期士秀民淳永諧於變紹時雍又云當
九省之衝撫綏匪易縱共矢冰心恐難對陳鋒而稱慈母攝兩
大之介供應維艱須各勤爾業庶幾紹陶唐以爲高曾又云彈
丸百里僅比茱萸曹滕惟願物育民和歲時云胡不樂小國七
年敢擬龔黃卓魯但使農安盜息風俗亦有可觀又云地方瘠
苦同新樂差務疲難甚涿州

清咸豐間邑令劉體中撰楹聯云最難自信此之謂長恐人言
惡在其橫匾曰民之父母

清光緒二十一年邑令王開運撰楹聯云三百載賦重差繁四
境由來苦供役九重天徭輕斂薄萬家從此樂熙豐又云但願
鳳麟在郊藪不教雀鼠到公堂又云爾無情理休爭訟我有律
條要秉公又宅門聯云百姓從今休犯法一官到此不循情又

小蓮池書院聯云蓮出綠波似有文章來水面池生春草可無
詩句雜仙心

邑人楊殿一撰李公報恩祠聯云鳳詔裁雲時雨頓蘇千畝困
龍泉繞郭恩波重湧萬家深又云之屏之翰百辟爲憲令聞令
望四方爲綱又云琴撫一堂思單父花栽滿縣勝河陽又云一
封朝奏九重天聖德醞酬王言綸綉四境春回數百載恩流膏
黍蔭庇甘棠又云上告天子下告方伯遠告來茲薄賦輕徭釀
成萬家恩露帝之股肱邦之屏藩民之父母同心合德又垂一

路福星

光緒
志

軼聞

陳實義犬 明正統間邑懷慶屯居民陳實畜一犬遇亂實被害於戚里舖人皆驚走實屍暴露犬護於旁晝夜哀號禽獸至則鬪以拒之屍得全旬餘邑人王元憐而瘞之是夕犬死墓側何家義馬 清同治初年城內何煊家畜馬四內有一青色者工人張某御之駕車自唐境山坡上往下運石張某執鞭走坡間失足跌仆軌中命在頃刻人皆驚慌此馬口啣其衣臂徐徐至山下得全生命人皆義之

光緒志

回驢 清道光間邑建安村崔平慷慨好施回回某販牲畜爲業嘗貸錢以謀升斗家中幸不餓殍一日借錢數十千歷年餘未償平已澹然忘之後三年餘忽夢某來曰負主人債今來投償平慰之曰屑須錢財何必記念某曰受人資助升斗且不可

忘况非升斗哉言已辭去既明工人曰夜間牝驢產一駒且修
偉平忽悟曰得毋駒爲某耶後戲呼其名果馴循若有知識者

自此遂呼爲回驢

採訪
册

義婢祥姑 清道光間邑舉人楊士魁養病保定城北崇慶寺
寺僧清聞述任姓義婢祥姑事甚悉因筆記其事而爲之傳並
詠義婢行百韻以表幽光而勵澆俗其傳云祥姑者任某家婢
女也任某青衣京東人無子有老母妻氏黃生一女尙幼舉家
客郡寓穿心樓東任某隨主出數年事不稱意因積欠弗敢歸
亦無音問姑事任母殷甚任母嘗泣謂姑曰吾所恃惟汝俟數
年當定汝終身事姑曰奴無他志愛空門俟嫗百年後當自裁
勿掛念也未幾母病知任某在廣平府署急召之及歸母已故
任某哀毀未殮任某亦故妻袖手如路人然姑知其意不敢言

乃典賣私蓄置衾棺殮訖妻已許嫁並攜女將行姑爭之曰不可人奪主母志奴力不能留此女則主人骨肉也無歸當依奴氏不許姑奮然曰汝守則主母也孰敢違今去矣不爲主人婦者不得爲奴主母如不獲命將鳴諸官妻理不直無奈也留女而去姑移兩柩於郡城北之崇慶寺日抱女以涕寺僧清聞與任某相善爲誦經且傳播焉郡人義姑之行羣傾囊助之姑泣謝扶柩以歸道路艱阻姑經紀之無難色至京東舊里惟先人墓田在任某一姊一妹已嫁同拜姑爲義姊姑不敢固卻之而弗得也親故皆奇姑卜葬之日觀者如堵哭泣咨嗟聲達道路皆爲姑也葬後指女謂其姑母曰主人奔波多年所留惟此今附汝當善撫之俟其長擇而嫁焉奴無憾矣翌日任某親族饋貸物酌姑者不一而足姑不受強予之姑曰吾將作方外人

爲用此遂攜回保郡酌捐貲贖喪者均分焉時余臥病崇慶寺
初愈姑以水晶嘴菸袋一柄並蒲苴一包謝寺僧故得親見其
人而詳聞其始末也後聞果在帝京削髮爲尼此時英人寇中
國十有餘年清帝憂懼日勞旰宵林文忠公奉命節度兩粵獨
上夷船羣虜羅拜降書跪捧入貢朝天大節奇勳傾動海內聖
主覽奏手詔褒嘉萬姓罷市輟耕加額相慶士大夫無聚不談
及此余以爲功誠偉矣然封疆大吏爲國家削平禍亂奏績塞
邊何代無之惟祥姑事聞所未聞也故傳其約略爲天下後世
勸並冀祥姑一腔血誠不致日久遂湮云爾又義婢行百韻云
十載天涯作客身臥病上谷古禪林禪林幽僻隔囂塵莊嚴宮
殿柏森森閱冬與春何所聞晝有鳥聲夜梵音虔誠默禱格鬼
神轉死爲生再世人扶杖就與禪師語方丈突來誰家女衣服

縞素大方家行年約略三十許手攜苞苴奉老僧合掌稱謝言
縷縷僧言此女不尋常提及可敬可悲傷京東故友任姓家侍
女乳名祥姑娘寄居保郡樓東邊千秋義婢大賢良我病半年
容顛頽力疾久坐詢茲事女子欲語先唏噓眉尖堆恨淚紛墜
說儂亦是京東人離鄉少小不記村父母死離與生別身入任
家廿餘春主人衣青外跟主家有老母八十五一妻不賢一女
幼老母衰齡自鞠苦錯愛謂儂惟汝賢老來仗汝終餘年幾時
定汝終身事汝生我死各心恬儂感生成言揮淚辛苦到老死
無悔終身已自有安排總待恩媪金入櫃一朝阿母說頭昏倒
地不言病沉沉伊子多年跟主去片紙隻字不到門過往有人
覓居止云在廣平官衙裏遣人急行喚歸來歸來阿母長已矣
伏地哀號不欲生辜負娘親抱兒情商量變產治裝殮夜深哽

咽聞哭聲天明捧匳請沃盥怪呼一聲魂驚斷何時氣絕苦塊
閒口張目閉容顏變和盤顛跌靈尸前死去活來人不見阿妻
亦來作哭哀有聲無淚情疏慢儂心孤苦竟誰憐多年積物典
賣完泣涕託親買衾枕匍匐告友賒衣棺萬難殮過兩母子阿
妻別嫁作新婦擇吉定於三月間行將出門攜女去念故主恩
痛何如奪女出言不似初長與王人恩義斷汝是汝來吾是吾
八嫁十嫁誰管汝四歲女孩全在奴主人奔波數十載一點骨
肉存吸呼女兒留下阿娘走抱女日夜哭靈廬靈廬暮暮與朝
朝乞食先奉小女嬌雞犬依依揮不去群鴉樹上夜哀號女小
頗能解人事神情彷彿知我意每食未飽先給余余食不多泣
嗚嗚百般艱難兩月餘茲事傳說百里餘人人都有熱心腸行
路聞之淚不止東家饋來錢金銀西家饋來麥菽米不半年來

有積糧屍骸那忍拋外方離家作鬼千里遠魂魄能不思故鄉
將歸移柩居此寺大師念舊作道場臨行雪涕謝父老恩情山
高與水長主僕今生與來世銜珠結草未能償驅車就道去悠
悠望望不見重回頭三伏天氣如火烈日炎不敵儂血熱忽然
雷雨阻人行天變難挽儂心橫幾回問渡望無津河水不及儂
情深海泥傾圮車馬險路途不如儂意遠黃昏進村群驚詫生
人死鬼到家下訪問親故與鄉鄰那有立錫與片瓦同胞姊妹
嫁多年星夜奔來哭聞野阿姊認儂爲義妹阿妹拜儂作乾姐
聲聲姊妹不可當老親舊友來遠方此家招酒彼烹羊喧呼隣
舍滿草堂草堂吁嗟雜贊嘆儂懷滋戚食不咽手褰姊裳指女
孩此是任家脈一線一綫雖然非兒郎也是阿爺養一場嫁貧
嫁富由阿姑儂死作鬼骨亦香阿姑抱女呼我兒祥姑大恩不

可忘牢記年年清明節淚灑墳頭莫哭娘詰朝卜葬南郊曲都
說任家貧有僕高儂行誼爭傾囊錦衣器飾盈箱籠儂作人僕
素赤貧因此得利只酸心卻之不恭辭不獲借酬此處友與親
儂年已過三十數浮雲世事經今故誓入帝京尼姑庵女師慈
悲許剃度禪僧閉目無一言余聞此語意愴然扶杖自憶我從
前鬱鬱愁愁滋汗顏閱人三十有餘年如此肝膽大是難書生
窮年坐兀兀是誰能有此氣骨縉紳先生位輔臺是誰能有此
風裁持節將軍擁熊虎是誰能有此英武空門釋子習清靜是
誰能有此堅定從頭再述再分明先有義婢祥姑傳
同入幾輔通志罄楮難寫苦衷
情吮毫一字一滴淚取次翻作義婢行思鑄金像供旃檀馨香
俎豆常新鮮到頭眞箇女中傑不是俠烈是聖賢更煩同志爲
揚推高風可挽俗澆薄近聞竟作比邱尼一籠香火踐前約寄

語世上衆男兒從今漫說羞巾幗

登高一呼六卷

邑舉人楊士魁清道光間旅寓保定北關崇慶寺寺僧清聞以城外荒塚累累以及亂葬浮丘天陰月黑時聞鬼哭昏夜行旅相戒裹足遠近傳說頗駭聽聞寺僧發心募資諷經施食約請全城紳商於清明節設壇請士魁爲文以祭之後遂寐然迨誠所感歎其文云維道光二十三年歲次癸卯三月某日清明之夜某等僅以錢帛漿水分與爾孤魂等而吊之曰吾聞聖人之世其鬼不神非鬼不神不能傷人春秋而後閱秦漢六朝五代世運日降政治愆和遂至伯有爲災彭生作禍銅鞮宮夜哭章華臺石言以及瞰戶嘯梁依草附木嫁凶燭亂何代無之凡此皆人事乖違所致與鬼乎何與我朝治奠金甌律調玉燭仁皇帝學通化育道澈幽明曾降旨命各屬城隍於清明等日巡視

境內並御製祀孤祝文頒行天下着地方官敬謹致祭凡以調
變伏愆消弭怨憤迺奉行至今猶有弗臧形匿影屢現怪踪或
泣於夜一似大不得所自洩不平者噫吾知之矣在生作客死
亦無歸爲人遺誣沒益抱憾依古以來宦游者博寵榮而淹留
異域商賈者殖財貨而飄落天涯武夫從軍戰陣亡而身首異
處流民避難凍餓死而尸骸載途以及訪友覓親因潦倒而難
返觀山問水投閒散而忘歸父母想望妻子涕號尋遊子之行
踪生與死與聞流言於道路信耶非耶生爲離鄉背井之人死
作泣雨吟風之鬼晨昏萬載魂魄何依風雨一邱吊祭誰至傷
心哉誰使汝然哉汝等生前與我無異皆因久遠劫來迷失本
性浮生浪死顛倒輪迴愈溺愈深難得超脫如更爲厲作崇沈
淪尙有終哉吁嗟乎苦海無邊如是如是茫茫萬古奈何奈何

余爲汝等修善果宣暢佛法廣施甘露爲懺生前種種汝等勿
避勿驚聽吾言之生前造業緣因受如此苦從今猛回頭及早
登覺路不要看錢財錢財是虛物不要報冤仇彼此皆蒙福不
要尋替代無人能替汝一切盡拋開立地生醒悟南無阿彌陀
引汝生淨土三途永斷絕六道從此出如不生信心浩劫難得

度

登高一
呼六卷

金魚池在東門外南側池方二尺許遇東北微風時注水其中
則如魚翻波激浪有時躍至四五尺但不能見其形涸則無再

注水試勢則依然

探訪
冊

蟠龍井在所藥村關岳廟內井闊三尺餘係樹根盤結形如龍
然故名不朽不爛堅比金石

探訪
冊

龍異 清光緒中城內周禎祥之祖母與姑盛夏開窗訥涼天

氣清明中忽黑煙一縷冲窗入室其祖母與姑皆暈迷倒於窗下家人驚覺趨視其祖母及姑皆無恙惟堂房北壁間遺五爪痕一寢室內東西壁間各遺五爪痕一皆大如箕滿街硫磺煙氣經久不散倏聞霹靂一聲南門外擊碎柳樹一株皆以爲龍

異云

採訪冊

于榮安建安村人生而奇異十餘歲時於游泳一事不事學習即於水上有異人技術或盤足水面用手撥水以行或抱膝水面行止自由人咸奇之

採訪冊

望部縣志卷十二

叙錄

歷次修志姓氏并序

明

成化慶都縣志

知縣馬京創修

成化十三年成

萬歷慶都縣志

知縣張前光續修

萬歷十八年成

同輯

學諭樊維作

學訓呂繼儒

邑人周騰霄

劉珩

張柏年

清

康熙慶都縣志

知縣錢振龍纂修

康熙十一年志成軼陸任去

學訓任之龍邑人張首賢

傳雲舉

周元會

知縣李天璣纂修

康熙十七年刻

同輯

邑人傳雲舉

周元會

王慶

麻整

康熙慶都志序

邑令李天璣

聖世雍熙之盛首稱唐虞然有甲子可紀嗣是禪代繼承載紀漸備則莫如通典通考通志諸書儒者謂之三通信矣雖然作志者豈一家而大約皆詳該宏鉅原本經史以立言何也志者誌也經之裔也史之翼也通其志以成天下之務者也載諸誌以備天下之治者也是志之所關誠大且要矣昔孔子因魯史而作春秋上係虛賞罰予奪下切瘼世道人心朱考亭歷任閩浙必留心於誌而聖賢之學問帝王之經濟以出鄴侯隨高帝入關諸將競取秦府庫財物何獨取相府圖籍悉關河扼塞之險成一代興王之業絲此觀之凡爲令者其間之建置因革生齒繁簡風俗醞漓物產消長賦稅增損官職遷代政事得失人才隆替與夫勳烈忠義之疊興流宴災祥之環至然年異而月

不同耳聞而目靡覩爲令者不能周知而取正焉曠也今上御極之十七年方制萬里環四海之外爲帶幅員最廣爰命纂修一統志檄下郡邑雜志之以備採輯余承乏是邑邑爲孕帝勝郡風土靈秀然世代曆久兼兵燹之餘搜輯匪易第詢事於芻牧耕樵之口尋跡於荒烟斷草之中恐掛漏者十五聞命而弗志志焉而弗備亦曠也爰延邑之先達耆舊博蒐旁羅或取之名山或得之家藏循厥典籍而少識施爲緩急之序視諸故府而稍得斟酌權宜之法凡有奠民生益治道裨風化以翼贊我國家萬世丕丕基者敢有遺庠因析類分門編年繫事蓋歷三月而書成計卷六而定册庶展帙徵實按圖有據後之視今聊異今之視昔矣至於天爲加絢地爲加藻黼黻而火龍輝煌夫億載尤有望於後之君子焉共事者司諭秦君司訓劉君縣尉

楊君邑人傅子周子王子麻子例得并書

乾隆望都縣志

知縣陳洪書續修

乾隆三十六年成

編次

候選知縣王錫侯

字韓伯號濱洲江西新昌人
乾隆庚午科舉人

候選知縣陳啟光

字東白江西宜黃人
乾隆癸酉科舉人

同輯

儒學教諭陳煜 訓導李森 典史曹文英

邑人撫寧縣教諭徐學

參閱

邑庠生周烜

字儀著

太學生左文焯

字其華

太學生徐鐸

字乾用

校錄

邑庠生徐恒 周養志 周頌

督梓

邑庠生麻蘭 朱祥凱 葛垣 太學生朱鉞 王之臣

繕寫

左文光 張正邦 葛文熊 張子元 李自新 于文燮
許文錦 高齊天 劉中元 王文煊 張國賢 王悅賢
郭良弼

乾隆重修望都縣志啟

邑令陳洪書

國有史冊邑有志書彼載禮樂刑政之由此登風俗人物之紀二者均重千古爲昭緬惟望都夙稱勝壤孕則天之大聖於茲發祥鍾靈地之殊尤歷年志瑞允宜壽諸竹帛不致沒於風烟乃事曠百年陳編已卽於朽蠹世閱三代新簡再缺於增修雨灑風瀟恐費山川之鍾毓年湮世遠莫徵文獻之詳明此固邑人之關抑亦長民之責余才慚製錦職忝牽絲北轍南轅疲迎送而力竭夙興夜寐愧撫字以心勞敢辭俗吏之譏尙爲文采之慕爰商寅友進謁諸生聘名流而司墨卿簡賢能以勦校職成城合志不逾百日之期繡梓完工共肩千秋之舉忠孝節義燦繁星於秋旻詩賦文章匯英流於瀚海於一邑誠爲生色諒多士盡有同心爰列啓言廣申布告

乾隆二十六年五月二十日

乾隆望都縣志序一

周禮外史掌四方之志職方掌天下之圖辨其人民財用穀畜之數要以周知其利害則郡邑之有誌豈第尙才華廣聞見以炫燿一時哉蓋將敷陳得失觀述廢興上以備採擇於輜軒而下以示準繩於司牧望邑要衝也北接神京南通九省伊耆誕毓之鄉人文聿起泉源灌注之地水利宜詳況我國重熙累洽式廓日增特命儒臣纂輯文獻通考凡天下田賦戶口以及輿地四裔靡不兼綜條貫以備國家之典要望雖蕞爾邑可任其簡冊失傳什不存一哉邑令陳君以名進士來宰斯邑下車伊始正值水旱頻仍差務倥傯之時而君措置裕如政修澤逮公餘之暇復網羅放失輯修邑誌俾缺者完散者聚微者顯誠盛舉也余服宦畿輔已多曆年所時以民生休戚地方利弊爲兢

兢今披是誌而讀之則見於地勢之低窪則修築是籌也於衆
泉之滙渚則疏濬是策也於水田之荒蕪則桔槔是謀也於車
馬之艱難則編氓是憫也推之誌風俗則思培瘠土誌學校則
冀復侵田凡茲記載之所及何一不本父母斯民之真意余日
以此曷同官今於茲編實獲我心焉夫坐而言者起而行君諒
非徒託空言者也他年績奏循良即於斯乎勞之是爲序乾隆
三十六年歲次辛卯九月上澣保陽郡守長洲宋英玉譔

望都縣志序二


乾隆三十六年

邑令陳洪書

望都側近京輔密邇皇風余以菲材忝膺承乏閒嘗披覽舊志
幾近百年字迹漫漶且詢及職官人物不獨宋唐以上埋沒於
風煙蔓草莫可跡尋卽有明以來亦且故老失傳典冊無徵存
什一於千百可勝慨哉始卽有志搜羅繕稿成帙值驛紛繁又
早潦頻仍官民交迫未敢厭堂階之暄聒而爲靜閣之揮毫然
五年受事百結縈心終不敢舍此舉而置諸度外也今夏有友
名孝廉王韓伯以落第南旋道經來訪因留頓行李欲朝夕商
確以成志事王君亦欣然允從竭盡心力凡地利名踪親同閱
歷尺碑臥碣儘肆摩挲進鄉老而諮詢恐幽隱而或遺較之舊
志則增者十之五惟重複者則就芟焉通稟各憲俱蒙將充併
蒙府尊頒志查補乃就剗剗夫望都爲堯誕降之地萬古文明

肇祥於此五千年以來山鍾水毓爲奇偉爲名流男忠女烈者不知凡幾而登錄僅止於此則予方抱愨然之慨豈敢謂此區區者明備無憾足以快意又望邑爲產泉之鄉而水利未興旱潦無備民鮮蓋藏閭閻之生氣未暢士多枵腹藝圃之翺翔實難而且差務殷煩不息晝夜驛站之伺候其凋敝更爲可憫而余忝令長未能興利救弊與士民甦目前之因而收永久之利叨濫爵祿抱愧奚似豈敢謂邑乘一修而余之盡心於望邑苟如是是亦足乎然此亦一邑之小事不得不先爲經營以畢余之始志諸所爲未竟之端大起而振興之以無負乎陶唐之遺風而不忘其所自則深有望於同志及望邑之士民且此役也考前明馬張二公之所修藐不可得國朝李公所修者時值吳逆之變軍興旁午未暇搜羅故多缺漏今雖遍爲採輯恐一時

耳目窄隘遺珠未收廣輯而續編之尤有望於後之君子



光緒望都縣志

知縣李兆珍督修

光緒二十四年成軼陸任去

同輯

學諭阮文敘 邑人胡仁蘇 閻繡 潘其善 張國成

俎向榮 侯寅 張銘三 錢振國

知縣陸寶善督修

光緒二十九年續修三十年成刊印

學諭阮阮叙 邑人楊殿一 潘其善 閻繡 張東皋

胡振邦 許志和 賀清泰 栗逢吉 張國成 張銘三

杜紹甫 劉承運

光緒望都志序

陸寶善

古之宰邦邑稱循良者其所施爲不必盡同而其因俗爲治寬息生民則殊途而同歸故名其官曰知縣豈獨坐堂皇手文告執禁網之刻急察察以爲明可以勤求上理者乎將必周知人民之疾苦風謠習俗之所尙土地之所宜而後因革損益推忠以求衆瘼則瘼蠲而民蘇不然雖推食食人解衣衣人亦不足以謂惠太史公稱漢王所以具知天下阨塞戶口多少疆弱之處民所疾苦以何具得秦圖書夫卿相之職宰天下乃其於勇力相較之世獨能排玩好而存圖書故入關三章深入民隱秦父老爲之涕泣肅何此舉實以興炎漢四百年之基然則後之欲盡心民事者舍志書又誰與歸我國家勤求吏治近年以來疊下軫念民依之詔而減賦輕徭望邑之被澤尤厚允宜筆之

於書上以昭聖明之德下以增典策之光潤色鴻業在執事者和聲以鳴其盛也况蒙學地里一門欲其由近及遠以志書列入課程尤當事徵翔實以惠後學而志年久失修諸多陋畧曩年李君星野權邑篆時營手自刪訂屬稿垂定旋移他邑終以未付手民爲憾故常寄語邑之紳耆樂觀厥成其用力可謂勤至矣吾聞李君之去邑人思之不置令其關懷望人也一如望人之於李君嗚呼官而爲邑令位卑言輕矣苟處之得其道古所謂嚴父慈母安往而不遺其愛爰將李君原志刻而存之所以爲望人誌李君之盛且以示後之君子知所取法焉

乾隆三十六年修志助梓姓氏

縣長陳洪書助銀三十兩

義民溫士威助銀四十兩

邑人葛垣助銀二十三兩六錢四分

邑人黃樹極朱鉦各助銀二十兩

邑人左堂徐鱗朱祥凱楊淑岳威各捐銀十兩

邑人左文焯王之臣劉均各助銀八兩

邑人謝學詩李成林趙成美北龍潭寺僧悟山固店北合陽

邱三寺僧唐灰大興寺僧各助銀四兩

邑人麻煥潘龍翔各捐銀三兩

邑人李天民李璧賈應才劉仁德樂其英各助銀二兩

邑人楊之時于廣張琦各助銀一兩五錢

邑人周承宗麻氏閤族韓鴻儒陳廷輔耿爲鏞常早寺僧性通東嶽廟僧眞蘭各助銀一兩

邑人韓扶本黃時已胡苞王挺小紅寺僧憎雲羊青莊興國寺各助銀五錢

邑人崔顯德助銀八錢

邑人崔鎬白岳清涼寺十里舖娘娘廟各助銀三錢

邑人崔天德助銀四錢

邱莊龍泉寺助銀二錢

光緒三十年修志助梓姓氏

縣長李兆珍助銀二百兩

縣長陸寶善助銀二十兩

職員張鳴盛助銀一兩

邑人何統基李長泰安義方各助銀五兩

邑人侯忠麻占元各助銀三兩

邑人魏占元韓魁元韓德榮孫鳳樓曹樹榮李作棟左永年
韓益三谷松軒李大三錢振國石新造各助銀二兩

邑人票逢吉賀清秦張東皋許志和胡振邦張銘三牟清漣
李衡齡李秉文李善學李宗元李士元李清元郭純一張逢
貴劉守貞沈國禎劉夢花李德何閻繡李善乾顧新和顧允
中顧坤增王清臣麻源本黃德潤黃雲錦黃不顯朱應黠李
夢醒武永春張洛國隋忠劉慶榮孫錫藩劉慶錫郭汝霖劉
天佑劉秋兒張榮璧張模張楨蘇培元各助銀一兩
邑人李善建左森林李鴻恩朱慶宅李樹德劉清秦王得賢
王庚申張玉祥王楊氏孟氏各助銀五錢

又由領銀車差二千一百五十九輛每輛抽錢八百五十文
共得制錢一千七百餘緡縣長李公星野又撥任內罰款入
修志局制錢一百五十餘緡

中華民國二十年修志捐資姓氏

縣長王德乾捐銀四十元

祕書楊清翰捐銀三元

科長尹銘績捐銀五十元

承審員張建信捐銀二元

公安局長曹慧佛捐銀二元校長曹繩武捐銀五元校長楊

子博區長郭廷楨各捐銀一元五角財政局長曹亞夫教育

局長陳記海建設局長李嘉賓區長薛耀德楊學官公安分

局長李紹聃王晨檢定所主任葛政舉黨部委員朱鼎文李

浩然校長劉廷蘭葛化覃各捐銀一元

編輯何定侯捐銀五十元崔蓮峯捐銀二元

保衛團副總團長何芹香商會主席劉廷珍各捐銀五元

天主堂趙司鐸捐銀三元電報局長郵政岳局長鐵路吳站長世澄蔣站長治華各捐銀一元賈振亭捐銀五角

邑人徐洛露捐銀二百五十元徐信符徐貢周各捐銀一百二十五元彭敘仁捐銀五十元趙曉樓捐銀三十元劉洛朝劉贊侯各捐銀二十元曹慶榮捐銀十元麻樹雄顧春波賀常吉賀潤庠賀永春郭振亞趙晏海郭芷齋李厚軒趙子厚谷厚德王洛思劉宗海劉影山蘇梅生何鳳梧張豐厚何修竹劉煥章何樂菴各捐銀五元劉介塵捐銀四元劉德慕牟純一齊壽山李兆元各捐銀三元沈洛西錢洛來張林一張實之李洛樂王洛良湯宗唐魏洛蘭崔景韓劉卯明于慕周麻閣忱丁溫九孫景輝李長貞張百川周泰初劉保三各捐銀二元王仲仁王聘三谷有漢左鳳鳴李序宗劉馨山王子

元潘星五姚長文張仲衡李瑞生李貞吉李善信葛懷忠麻
境元陳盛兒安經綸安惺齋李作善曹星閣丁菊堂孫儒林
徐洛賀宋琇峯王洛應宋震春曹景烈曹景燾曹景熹左範
卿周望景王餘慶劉錫三崔錫斌各捐銀一元胡即川蘇佩
楓楊芸田耿宗海許錦山高書武各捐銀五角

商號義成鹽店宋綬青捐銀二十五元德興銀號捐銀十元
同德生捐銀二元裕興號葆隆煤棧裕興煤棧成興順煤棧
元和公司恒記貨棧天豐恒煤廠義成煤廠天和堂瑞生祥
光裕生日新盛貨棧各捐銀一元

周潛輝耿采章莫子瑞陳紹侯各捐銀一元

邑人王瘦吾捐洋三十元周耀東郭殿三郭建章王春陽各
捐洋壹元張永善曹尙文各捐洋五角薛曉樓梁景賢郭金

川郭慶永薛進善各捐洋二角

張書元二元黃金鑰黃金波張振海何華亭各捐一元